

**E LUNA AKI UN TOTAL DI 1239
PASHENT NO A YEGA NAN
CITA CERCA ESPECIALISTA
HOH CU CIFRA DI LUNA DI
SEPTEMBER 2025**



WWW.SOLODIPUEBLO.COM



SOLODIPUEBLO@GMAIL.COM

Partido MEP

MINISTER GEOFFREY WEVER TA MINISTER DI ECONOMIA DI ARUBA OF DI HULANDA?

Dicon ta companianan Hulandes so ta haña tur cos?



E tabata envoli tambe den e lamentable morto di Sharury

COMPLICE DI INTENTO DI ASESINATO DI 4 PERSONA AWOR DETENI PA AMENAZA CU ARMA

CONTROL PISA DEN ORANJESTAD: 110 BOET REPARTI Y 297 AUTO CONTROLA



ENDY CROES Y EDGARD VROLIJK DEN PROGRAMA INTERES DI PUEBLO DIASABRA

Diasabra 25 di october 2025, e invitadonan pa e programa di radio Interes di Pueblo na Radio Top FM 95 lo ta Endy Croes y Edgard Vrolijk.

Durante e programa, nan lo elabora riba e ultimo desaroyonan den nos pais, entre otro e structura salarial di maestronan, e ley di consenso di Reino HOFA, y e consehonan riba e ley aki. No perde e programa Interes di Pueblo diasabra, di 11:00 a.m. te 1:00 p.m. na Radio Top FM 95.

SINTONISA

25 OCT

Interes di Pueblo

DIASABRA

95

Invitadonan

ENDY CROES Y EDGARD VROLIJK

di 11'or di mainta pa 1'or di merdia

TA BOLBE ARUBA E CIRCO MEXICANO MAS FAMOSO DI MUNDO

CIRCO HERMANOS SUAREZ

Fundado en 1872

ARUBA

VEALO HOY Y TODOS LOS DIAS!

HARBOUR ARENA

TICKETS

CIRCOHERMANOSSUAREZ.COM

CIRCOHERMANOSSUAREZ



Noticia di Corte

Segun famia di Sergio Maduro

JENNIFER TA PRETENDE DI TA HANDICAPPED PA HAYA LIBERTAD

ORANJESTAD – Famia di e victima di asesinato, Sergio Maduro, no ta nada contento cu Jennifer Gonzalez a apela su sentencia.

SOLO DI PUEBLO por a compronde cu e famia den e carta ta bisa cu tur e cos di handicapped ta un comedia di Jennifer pa e haya su libertad. HOF A HAYA CARTA DI FAMILIA

E famia no tabata presente den sala di Corte. Hof a bisa cu a haya un carta di e famia, firma pa e tata di Sergio Maduro. Manera ta conoci, a haci cambio den ley penal caminda awor ta duna famia di victima e oportunidad di expresa nan mes den Corte. E famia por bisa kico tur a experiencia y kico nan ta spera pa cu e castigo.

HACI COMEDIA DI TA HANDICAPPED

Presidente di Hof a lesa e carta den Corte pa Jennifer y su abogado scucha. E famia ta expresa cu perde un famia no ta facil. E ta afecta henter famia especialmente ora ta un morto horroroso.

E ta un asesinato planea sanger frieu. Despues di e incidente, e famia tabatin dos pregunta, kende a haci e asesinato y pakico. Pa tende cu ta un homber otro di Jennifer, pakico Jennifer no a termina e relacion y bay cu e otro homber. No ta Jennifer a traha e plan pa mata Sergio. Pero e forma con a mata y pasa auto riba Sergio, ta pa motibo di Jennifer. Awor Jennifer

kier pretende di ta un handicapped. No ta asina. Ta Jennifer a planea tur cos. E asunto aki di Corte Superior no ta sinti famia bon. E argumento di handicapped no ta valido. Tur cu conoce Jennifer sa cu e no ta handicapped. El a traha hopi aña na Wendy's. Ora Jennifer a drenta sala di Corte pa promer biaha, e famia a grita yora y bisa cu nan no ta reconoce Jennifer. Esey ta muestra cu nan no a spera cu Jennifer ta hunga comedia. Mientras cu Jennifer ta bringa pa haya su libertad door di pretende cu e ta handicapped, nos no por haya Sergio Maduro mas. Nos ta spera cu Hof lo duna Jennifer e castigo husto.

E LUNA AKI UN TOTAL DI 1239 PASHENT NO A YEGA NAN CITA CERCA ESPECIALISTA

HOH CU CIFRA DI LUNA DI SEPTEMBER 2025


Horacio Oduber Hospital (HOH) ta comparti cu comunidad di Aruba e cifranan di september creando asina confiansa, transparencia y conscientisacion. E cifranan aki di HOH Aruba pa loke ta luna di september 2025 ta un indicacion di cuanto pashent Hospital ta atende mensualmente, e promedio di estadia di pashent na HOH, cuanto operacion ta tuma luga, cuanto test diagnostico departamento di radiologia ta haci y mas. Tambe nos ta cuminsa comparti e cifranan cu comunidad cu e meta pa conscientisa comunidad cuanto pashent no ta yega nan consulta cerca especialista emplea pa HOH y tambe cuanto pashent no ta yega nan cita na departamento di radiologia.

Na luna di september a hospitalisa 851 pashent di cual 54.4% tabata admision di emergencia. E promedio di duracion admiti na

HOH na luna di september tabata 3.6 dia. Ocupacion di cama na luna di september tabata 74% cu ta mas abou cu luna di september 2024 (87.8%). Un total di 643 cirugia a tuma luga den nos salanan di operacion cu ta mas halto cu september 2024 (579 operacion).

Departamento di Emergencia a atende na luna di september 2693 pashent y a nace na luna september 33 baby mucha homber y 35 baby mucha muhe (total 68 baby). Y Bloedbank Aruba a conta un total di 170 donacion di sanger na september.

Specialistanan den servicio di Hospital a haci un total di 7512 consulta cu pashent y interesante pa menciona ta cu 1239 pashent (14%) no a yega nan consulta na september. Pa esaki por tin diferente motibo manera e pashent



a lubida di atende su cita, porta e no por a yega pa via di transport, porta e pashent tabata admiti den hospital of porta e pashent no a cancela su cita of otro motibo. Departamento di radiologia a haci un total di 5514 test manera CT scan, MRI, echo etc. y tambe lamentablemente un total di 91 pashent no a yega nan cita pa haci nan test. Pa loke ta order di laboratorio tabatin un total di 16012

peticion cu a drenta. Y na luna di september 872 pashent a sali for di Hospital pa regresa nan cas.

Diariamente mas di 1200 empleado di HOH ta haci nan esfuerso pa brinda cuida continuo na nos pashentnan cu ta nos prioridad y ta recorda comunidad cu den cualkier momento no lubida cu HOH semper t'ey.

19 CHAUFFEUR DETENI DURANTE CONTROL DI TRAFICO DEN SANTA CRUZ



Santa Cruz, ARUBA: Agente policial di Santa Cruz tambe a tene nan control den trafico fin di siman cu a pasa.

A infoca pa tene e control

riba chauffeur bou influencia di alcohol den oranan di marduga te cu mainta.


A para na diferente punto strategico den Distrito

di Santa Cruz cu a resulta den un control policial fructifero y preventivo.

A controla den total di 150 vehiculo. Di cual a detene 19 chauffeur pa maneha bou influencia di alcohol. Tambe a duna 7 persona un prohibicion pa maneha un vehiculo. Durante control tambe a detene 1 persona den posicion di droga.

A reparti 8 multa dor di "Paga bo Boet" un systema nobo y lihe pa paga bo boet!

Fin di aña ta yegando y trafico a cuminsa bira



druk. Nos controlnan den trafico ta continua, tanto represivo y preventivo pa preveni desgracia innecesario den trafico.

Conseho na nos comunidad

ban trankilo y percura bo tin tur documento na ordo pa asina bo no haya un cayente den bo cartera. Un trafico sigur pa un y tur!

CONTROL PISA DEN ORANJESTAD: 110 BOET REPARTI Y 297 AUTO CONTROLA

Diamars atardi te cu mey anochi agentenan policial di Distrito di Oranjestad a tene un control di trafico hunto cu DTP.

A controla un total di 297 vehiculo tanto auto y brommer. Un control policial tanto preventivo y represivo.

Tabata tin diferente boet pa entre otro; chauffeur a haya multa pa maneha auto sin belasting valido, sin seguro valido, sin keuringskaart valido, sin safety-belt y diferente otro infraccion.

Trahando den equipo cu sosten di Motor Unit a logra haci e control policial na diferente punto strategico den Oranjestad.


E controlnan policial NO lo stop. E lo sigui na diferente sitio strategico, diferente orario di dia y na diferente distrito.

KPA ta manda un mensahe cla na tur automobilistanan:

Nos tey na e momento cu menos bo ta pensa y wak. Preveni un multa halto cu e systema di "Paga bo boet" cu e momento ey bo ta haya e multa den bo man y den un termino cortico pa paga.

Sea conciente maneha responsabel cu tur bo papelnan na ordo.

Ban nos tur yuda hunto pa un trafico sigur!





Noticiadi Corte

ABOGADO MR. CANWOOD A HACI APELACION NA CORTE DI CASACION NA HULANDA RIBA APELACION DI BESARIL

ORANJESTAD – Despues cu Hof di Corte Superior a dicidi cu e apelacion di Guilfred Besaril no ta admisibel, abogado mr. Canwood a dicidi di manda apelacion pa Corte di Casacion na Hulanda.

SOLO DI PUEBLO por a compronde cu mr. Canwood no ta di acuerdo cu e decision di Hof di Corte Superior y a apela na Hulanda. Awor ta Corte di Casacion ta bay dicidi riba e apelacion di Besaril.

Besaril, a apela contra su sentencia di 13 Juni 2025 caminda Hues a condena Besaril na 20 luna di prison di cual 10 luna ta condicional cu 3 aña di prueba. Den e caso di kita propiedad, Hues a condena Besaril cu e mester paga 138.688 florin y si no paga e lo mester bay 1 aña

den prison.

DISCUSION DEN CORTE

Dialuna 20 October 2025, tabatin discusion entre Procurador General (PG) y abogado mr. Canwood riba si e apelacion ta admisibel. PG a remarca cu e apelacion no ta admisible. PG a bisa cu dia 13 Juni 2025, Hues ta haya Besaril culpabel y e mesun dia PG a apela e sentencia mientras cu dia 27 Juni 2025 abogado a apela. Na opinion di PG, ley ta bisa cu dentro di 14 dia mester entrega apelacion na Griffie di Corte. E ta haya cu e mail ta laat haci pasobra e mail a wordo manda despues di oranan di trabao di Griffie. PG ta haya cu Hof mester declara e apelacion no admisibel.

Mr. Canwood a bisa Hof cu contrario cu PG, e


apelacion ta haci na tempo. El a muestra cu segun ley, via mail por haci esaki. E abogado a bisa cu ningun caminda ta para cu esaki mester sosode promer cu cierto ora. E abogado a muestra cu pa añas e mandamento di mail pa Griffie ta sosode caminda Griffie ta notifica e fecha cu a ricibi esaki y no e ora.

APELA NA CORTE DI CASACION

Hof ta haya cu e apelacion ta no admisibel. Na opinion di Hof, no a cumpli cu e termino stipula pa ley pasobra 4or Griffie ta sera. Hof a bisa mr. Canwood cu por apela contra e decision.

Mr. Canwood a apela e decision di Hof y awor ta 6 Hues na Hulanda cu ta forma Corte Supremo lo bay atende cu esaki y dicidi si e apelacion ta admisible of no.

UN ANALISIS PROFUNDO DI E RESULTADONAN DI #TEAMARU



Direccion di Deporte ta haci entrega di relato tecnico di weganan ASU2025 Ayera durante reunion

general di Direccion di Deporte, Directora Monica Fajardo y e ekipo a haci entrega di e relato final den cuadro di un analisis tecnico profundo di e rendimiento y resultado di atletanan cu a participa na e Weganan Panamericano Junior ASU2025.

E relato final ta conta cu un comparativo di e prome Cali2021 y e di dos edicion ASU2025 di e Weganan Panamericano Junior, un analisis di cada deporte cu a participa y finalmente un analisis individual di cada atleta y su desaroyo competitivo.

E relato final lo ser comparti cu e diferente federacion cu a participa na ASU2025. Ta felicita Monica y e ekipo di



Direccion di Deporte pa e documento cu sigur lo sirbi como un "tool" pa por sigi

traha pa eleva e nivel di nos atletanan y deporte na Aruba. #TEAMARU

LAURA WERNET-PASKEL HONRA NA HULANDA Y PRONTO NA ARUBA TAMBE CU UN CAYA NA SU NOMBRE



Historia y amistad grandi pa cu famia Wernet-Paskel ta conoce un etapa mas na su reconocimiento. Diaranson mainta, Prome Minister Mike Eman a ricibi un bishita ameno di varios miembro di famia di Laura Wernet-Paskel, particularmente Andre “Dechi” Wernet cual ta un persona cu tin un trayectoria largo y reconoci na Aruba.

Premier Eman a remarca cu Dechi ta un persona cu hopi aña di experiencia, cu a carga diferente posicion, como tambe hopi conocimiento riba tereno di personal di gobierno y a yuda masha hopi hende mes cu nan peticionnan / nan posicion huridico durante tempo. Andre “Dechi” Wernet ta yiu di un personalidad

hopi grandi den historia di Aruba. Laura Wernet-Paskel tabata e prome ser femenino riba un lista politico (Partido UNA), como tambe maestra di scol y escritor, cu a laga un historia bunita atras, entre otro buki titula ‘Ons eilantje Aruba’, cual awe Prome Minister por a haya un ehemplar original for di man di un di su yiunan.

Den compania di consehero/secretario general Robert Candelaria, cu tambe ta miembro di famia Wernet-Paskel, cu hopi sentimento por a cana den caya, cu mas bien ta un hof na Hulanda dedica na honor di Laura Wernet-Paskel.

Un sentimento grandi di orguyo, un Rubiano reconoci na Hulanda cu

nombracion di un hof na su nombre. Famia di su banda kier a gradici Prome Minister cu e bishita y menciona na Hulanda, pero Premier Eman a comparti esaki cual p’e tabata mas bien un honor y compromiso di su parti pa haci esaki. Eman a expresa na famia cu pa ta eyan y mira su reconocimiento tabata emocionante. Na Aruba tin un scol y ta spera di mira pronto un caya na su nombre na Aruba. Ademas a comparti awe den compania di algun miembro di famia, cu algun

historia cual sigur ta algo cu ta balora grandemente. Prome Minister Eman tin vinculo di hopi aña cu famia Paskel y tabata entre otro bisina di hopi aña di Chichi Paskel, cu ta directamente subrina di Laura Wernet-Paskel, cual ta masha stima y cual yiunan a lanta cu nan. Mundo ta dal buelta y awe ta para banda di nan den reconocimiento.

Di nan banda e famia kier a muestra nan gratitud na Prome Minister Mike Eman pa haci e bishita na Hulanda y bishita e hof cu ta na honor di nan ser ker.

Andre “Dechi” Wernet a indica cu Premier Eman ta e prome politico cu a rindi honor y efectua un bishita na e caya/hof Laura Wernet-Paskel.

Pa famia Wernet-Paskel sigur ta un honor di mira cu den ocho personalidad cu a yega di haya un caya na su nombre na Hulanda, un di nan, e unico Rubiano ta Laura Wernet-Paskel.

Un peticion pa un Caya Laura Wernet-Paskel ta e deseo di famia y ta spera cu pronto e peticion aki keda honra y bira realidad aki na Aruba tambe.



Noticiadi Corte

**E tabata envoli tambe den e lamentable
morto di Sharury**

COMPLICE DI INTENTO DI ASESINATO DI 4 PERSONA AWOR DETENI PA AMENAZA CU ARMA

ORANJESTAD – Zuriel Celaire, un conoci di husticia di Aruba, actualmente ta cera pa amenaza cu arma.

SOLO DI PUEBLO por a compronde cu Celaire tabata pa tratamento obligatorio na Hulanda pa 2 aña. Awor Celaire ta bek na Aruba y ta cera pa amenaza cu arma.

INTENTO DI ASESINATO RIBA 4 PERSONA Dia 15 Juli 2022, Hues a dicta sentencia den e casonan penal contra Zuriel Celaire. Hues a bisa cu e ta haya legalmente proba cu dia 22 Mei 2022, Celaire a participa den un asalto arma riba 2 persona na Brazil. Hues a sigui bisa cu dia 30 Mei 2021, Celaire hunto cu Principaal a tira riba 4 persona banda di American Bar. Hues a considera esaki di ta complice di intento di asesinato. Celaire tabata esun cu a tira y Principaal tabata na stuur. Tambe Hues a haya

Celaire culpabel di posesion di arma di candela y bala.

Hues a sigui muestra cu riba 10 Januari 2020, Celaire a bringa cu e homber d.M. y maltrat'e, 14 Januari 2020, Celaire a menaza e homber H. cu cuchiu cu lo mat'e. Hues tambe a haya proba cu riba e anochi di 4 Juni pa 5 Juni 2021, Celaire tabatin hunto cu Principaal un arma di candela, caminda Sharury a fayece.

TRATAMENTO OBLIGATORIO


Hues pa cu e castigo a muestra cu Celaire a tira riba 4 persona y danki Dios ningun a fayece. Hues a tene cuenta cu e raport di psicologo y e raport di psiquiatra, kendenan ta haya cu Celaire por wordo influencia liher y pesey e no ta completo responsabel pa su actonan. Ambos a conseha Hues pa pone Celaire den un institucion.

Hues a dicidi cu e ta aplica castigo hubenil y bou guia pa evita cu Celaire ta bolbe wordo influencia. Hues a sigui e conclusion y conseho di psicologo y psiquiatra y a ordena pa Celaire haya tratamento obligatorio na Hulanda, cu ta na bienestar di Celaire mes. Hues a ordena cu Celaire lo mester keda 2 aña den un institucion na Hulanda y despues lo mester evalua si mester prolonga tratamento of no.

MENAZA CU ARMA

Actualmente Celaire ta cera pa amenaza cu arma. Esey ta muestra cu apenas Celaire a caba e tratamento obligatorio, el a bolbe Aruba y atrobe ta cay den man di husticia. E siman aki, Celaire a presenta dilanti Hues Comisario, cu vigilancia estricto di KIA. Su detencion a keda prolonga pendiente investigacion.

BOKSMENTO ENTRE YARIS Y UN BROMMER BMW



Tanki Leendert - Diaranson den oranan di atardi a sosode un accidente entre un Toyota Yaris y un brommer BMW.

Manera por mira riba e imagennan, e impacto tawata uno basta duro. E motociclista a resulta levemente herida, unda cu na prome instante tawata desea asistencia medico. Pero algun rato despues e la nenga asistencia medico. Compania di seguro a presenta y despues di haci si nota nan ambos vehiculo a wordo hala di caminda. E accidente a sosode



momento cu e Yaris a bay un otro motibo e brommer bira na su man robes y pa a bay dal contra dje.

FRACCION DI MEP ENTREGA CONSEHO RIBA E LEY DI CONSENSO DI REINO DI PROF. ELZINGA NA MINISTERNAN



Diamars 21 di october, Fraccion di Movimiento Electoral di Pueblo (MEP) a entrega na e Secretaria di Consejo di Minister, e conseho di prof. mr. D.J. Elzinga riba e ley di consenso di Reino HOFA. E conseho, dividi den dos parti, ta trata e figura di ley di consenso di Reino (consensusrijkswet) y e supervision financiero di

Aruba.

Fraccion di MEP a pidi pa e conseho wordo comparti cu tur ministernan, pa sigura cu tur miembro di e gabinete AVP-Futuro ta completamente informa riba e contenido y e implicacionnan di e conseho.

Den su entrega, MEP a



enfatisa cu den interes di Aruba y su desaroyo sostenibel, ta esencial cu nos actua como un solo Aruba, uni pa defende nos interes nacional y nos futuro socio-economico.

E conseho di prof. Elzinga ta confirma cu e sistema actual di supervision financiero ta funcionando bon y cu un ley di consenso di Reino pa Aruba no ta necesario.

Fraccion di MEP ta lamenta cu e concepto di e ley di consenso di Reino a wordo entrega na Consejo di Minister di Reino sin consenso (aprobacion) previo di Parlamento di Aruba, un organo cu mester wordo respeta y mester vocifera nan punto di bista den henter e proceso.

MEP ta expresa tambe

su preocupacion pa falta di transparencia di parti di gobierno pa cu e Parlamento y e pueblo Arubano por ta informa tocante e contenido y e posible consecuencia di e propuesta.

Fraccion di MEP ta reafirma su disponibilidad pa dialogo y ta dispuesto pa duna mas aclaracion of informacion adicional riba e tematica importante aki.

ARUBA BANK TA HACI DONACION DI LAPTOPS SEGUNDA MANO DEN BON CONDICION NA EPB SAN NICOLAS

Oranjestad – 23 di oktober 2025 - Na Aruba Bank, nos ta kere cu cada estudiante mester tin e oportunidad pa logra su potencial completo.

Pa es motibo, Aruba Bank ta orguyoso di por haci un donacion di laptops segunda mano den bon condicion na EPB San Nicolaas, pa asina yuda sigura cu e estudiante cu tin

necesidad di un laptop na scol por haci uzo di esaki den nan estudio. E donacion aki ta refleha e compromiso constante di Aruba Bank pa sigui duna sosten na educacion y pa nos comunidad. Door di haci donacion e laptops segunda mano nan aki, e banco ta spera di por facilita e reto cu estudiante ta enfrenta ora nan no tin acceso na

un aparato propio, y pa sigura cu cada estudiante tin e oportunidad pa siña, cumpli cu tareanan, y participa completamente den actividadnan riba laptops.

E iniciativa aki ta parti di e compromiso di Aruba Bank pa sigui inverti den educacion y den bienestar di nos studentenan.



Kinsasha van der Blik- RAIZ

SOBERANIA ALIMENTICIA E

VERDADERA SEGURIDAD

Den un comunicado anterior a ilustra con e AIP ta forma un menasa pa nos soberania alimenticio

Soberania alimenticio no ta solamente pa percursa cu tin suficiente cuminda na tur mesa; soberania alimenticio ta nos lucha pa control y auto-determinacion. E ta e derecho di nos comunidad pa defini nos systema di alimento, pa scohe kiko pa cultiva, con pa cultiva esaki y pa ken. Na Aruba nos ta importa mas di 80% di nos cuminda y nos ta enfrentando un aumento di costo den e cadena di suministro y distribucion global di cuminda. Soberania alimenticio kiermen pa duna prioridad na seedbanks local, conosemento tradicional, ingenio local y acceso husto na tereno fertil y adecua pa cultiva. Soberania alimenticio kiermen pa crea resiliencia contra shocknan climatico, instabilidad di economia global y cudishi di corporacionnan grandi y no pa cambia un dependencia pa e otro.

Sin soberania alimenticio hamas por existi seguridad alimenticio! Nos retonan pa crea un systema di alimento fuerte, sigur, stabil y soberano ta hopi mas amplio cu solamente por yena nos tayonan na mesa. Soberania berdadero ta crea un sector primario lidera pa nos comunidad di cultivadornan local kendenan ta e curason di

nos Pais, cu ta honra nos paisahe y ecosystemanan y nos lasonan cultural cu nos Tera. Agri-Innovation park lo haci tur lo contrario, favoreciendo innovacion y conosemento importa ariba di herencia di conosemento y ingenio local.

Nos caminda pa Soberania real

Pa logra nos meta pa soberania alimenticio Aruba no tin mester di greenhouses y metodo di cultiva importa, pero nos tin mester di personanan empodera!

Pa un futuro berdaderamente
resiliente ta importante pa nos
sa cual practicanan agricola en
berdad ta aporta na nos soberania
alimenticio.

Esakinan nos ta yama metodonan agroecologico, cu ta metodonan cu ta cultiva hunto cu Naturalesa enbes di bringa Naturalesa, esaki ta inclui entre otro permacultura y agroforesteria. Tambe cultivacion segun conosemento tradicional di rotacion y diversificacion di cultivo, 'intercropping' y incorporacion di bestia den espacionan di cultivo, cultivacion organico, sin pesticida y/of fertilizante artificial, e practica di creacion di banconan di simia y coleccion y conservacion di awa. Metodonan agroecologico no ta depende di ningun factor externo pa produci optimalmente, nan ta depende solamente ariba recursonan natural cu nos tin na



abundancia.

Cultura segun metodonan agroecologico ta mehora salud di nos Tera y ta crea systemanan resistente na plaga, creando un systema di alimento mas fuerte y resiliente. Un Tera saludabel cu un ecosystema fuerte di microorganismo y insectonan beneficoso ta crucial pa sostenibilidad y productividad agricola optimal. Tambe dor di promove diversidad biologico y ecosystemanan fuerte y saludabel nos ta mas resiliente na precionnan y impacto climatico.

Den e momentonan aki ta sumamente importante pa sostiene nos cultivadornan local cu innovacion y tecnologia pa optimalisa nan operacionnan actual enbes di traha un hub

masivo ful nobo.

Ta importante pa crea hubnan comunitario unda nos cultivadornan local ta haya e sosten necesario pa experimenta cu cultivonan cu ta en linea cu nos tradicionnan, region y cultura. Pa sostene nos cunukeronan cu tin e conosemento con pa traha cu e Tera pa produci alimento sin ningun dependencia di input externo. Mester por segura un maneho sostenibel pa otorgamento y renobacion di huurgrondnan adecua pa cultiva.

Awo mas cu nunca ta importante pa proteha nos SOBERANIA ALIMENTICIO y esaki nos por haci dor di proteha, sostiene y stimula nos agricultor local cu tin e conosimento y experticio pa cultiva y cosecha cu nos Tera.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



Partido MEP

MINISTER GEOFFREY WEVER TA MINISTER DI ECONOMIA DI ARUBA OF DI HULANDA?

Dicon ta companianan Hulandes so ta haña tur cos?

Un desaroyo alarmante cu a hala atencion di hopi hende ta e hecho cu tur proyecto grandi ultimo tempo, ta bai den man di hulandesnan. Hasta tin hende ta haci e pregunta: Geoffrey Wever ta minister di economia di Aruba of di Hulanda? Pasobra ta parse cu ta progreso pa companianan hulandes so e ta busca, mientras companianan local no ta haña oportunidad, mientras varios ta luchando pa sobrevivir.

CUNUKERONAN PERHUDICA
Cunukeronan di Aruba ya caba a bati bel di

alarma pasobra nan ta wordo perhudica caba cu e desaroyo aki. Minister Geoffrey Wever, enbes di duna cunukeronan tereno, a dicidi di pasa tur tereno pa e compania hulandes, haciendo plantamento hopi mas caro. Y aki poco tempo, ningun por sigui planta, pasobra hulandesnan ta tuma over.

COMPETENCIA INHUSTO
Locual mas bienta pasando, ta e competencia inhusto cu tin cu localnan no por competi cu hulandesnan. Ta permiti companianan grandi establece nan mes na Aruba, cu ta



competencia directo pa “Do It Center” y “Price tiendanan grandi manera Mart”. E pregunta ta: cu ki

intencion?

SIN RIJKSWET
Esaki ta awor caba, SIN rijks wet. Djis imaginabo cuanto poder mas lo bai pa e hulandesnan unabes e rijks wet, e ley di reino HOFA, drenta na vigor. Pasobra e ley di reino aki ta algo cu partido Futuro ta pusha p’e.

Partido AVP mes semper tabata contra e ley. Awor ta bira obvio dicon partido Futuro kier e Ley aki: pa caba di entrega tur cos na hulandesnan. P’esey pueblo di Aruba mester ta alerta!

OMBUDSMAN CU SESION SPECIAL PA STUDIAntenan NA HULANDA

En conexion cu e apertura di bureau Ombudsman cu ta tuma lugar 1 december 2025, Ombudsman ta ofrece dos sesion pa nos studiantenan Arubiano na Hulanda.

Dialuna 27 di oktober lo tuma lugar na Arubahuis, Den Haag un encuentro entre Ombudsman, sra. Jurima Bryson y studiantenan di Aruba cu ta residencia na Hulanda.

E meta di e encuentro ta pa Ombudsman por presenta e instituto nobo aki y splica con Ombudsman por yuda e studiantenan. Segun ley, tur hende por entrega un keho cerca Ombudsman y no ta un rekisito cu

e hende mester ta biba na Aruba.

Ademas, Ombudsman ta bay splica su rol den comunidad y tin espacio pa studiantenan haci pregunta. Asina nos studiantenan na Hulanda por cera conoci cu e prome Ombudsman di Aruba.

Ombudsman kier invita studiantenan na Hulanda pa atende e encuentro. Entrada lo ta gratis.

Lugar: Arubahuis, Den Haag
Adres: Oude Middenweg 31-53, 2491 AC
Fecha: 27 Oktober 2025 (dialuna)
Orario: sesion I, 17.20-18.20 (inloop 17.00-7.15) OF

sesion II, 18.50-19.50 (inloop 18.30-18.45)

Studiantenen por registra pa un di e dos sesionnan. Pa registra mester scan e siguiente QR code cu nan telefon y despues por yena e formulario cu ta habri riba pantaya.

Bureau Ombudsman kier a informa cu nan lo mantene pueblo na altura di e ultimo desaroyonan y encuanto e apertura oficial di oficina.

Pa por keda na altura di e ultimo desaroyonan, incluyendo e prome investigacion di Ombudsman, por bishita tambe e paginan di

**OMBUDSMAN
'DEFENSOR DI PUEBLO'
NA HULANDA**

DIALUNA, 27 OKTOBER 2025

SESION 1:
PRESENTACION 17.20 - 18.20 (INLOOP 17.00 - 17.15)

SESION 2:
PRESENTACION 18.50 - 19.50 (INLOOP 18.30 - 18.45)



SCAN E QR CODE
PA REGISTRA



ARUBAHUIS
OUDE MIDDENWEG 31-53,
2491AC, DEN HAAG

Facebook ‘Ombudsman Aruba’, Instagram ‘ombudsmanaruba’ y LinkedIn ‘Ombudsman Aruba’.

Paga y Busca bo Shirt Na Botica Eagle pa e Diabetes Run & Walk 2025

ANNOUNCEMENT

@DIABETESRUNARUBA

**BIB & SHIRT
PICKUP AND PAYMENT
AT BOTICA EAGLE**

FRIDAY OCTOBER 24TH 5PM - 8PM
REGISTER AT DIABETESRUNARUBA.COM

YOU CAN ALSO VISIT MEDLAB NOORD, MEDLAB ORANJESTAD, MEDLAB IMSAN OR URGENT CARE NOORD.
CHECK OUT DIABETESRUNARUBA.COM FOR LOCATION AND OPENING HOURS

Den colaboracion cu Punta Brabo Diagnostics, CMB y Subway, Botica di Servicio ta anuncia cu buscamiento di t-shirt pa e Diabetes Run & Walk lo tuma lugar diabierna, 24 di october entre 5pm y 8pm na Botica Eagle.

E di 8 edicion di Diabetes Run & Walk lo tuma lugar riba diadomingo, 16 di november 2025 cu e meta di recauda fondo y tambe trece consentisacion pa

diabetes. E fondo lo bai na Jump18 pa e di tres aña ehecutivo pa asina nan por continua cu nan cohort unda nan ta enfoca riba un miho estilo di bida pa muchanan cu obesidad y na riesgo di diabetes. Dr. Busari, hunto cu su team, ta guia e esfuerzo aki pa medio di workshops y otro iniciativonan practico pa trece un cambio positivo y na largo plazo pa e muchanan y nan famia.

E evento aki ta educa personanan pa con maneha nan diabetes di miho forma y tambe pa asina motiva e comunidad na Aruba pa adapta na un estilo di bida mas saludabel. Diabetes ta sigui ta un problema serio riba nos pais, di cual e porcentahe di personan cu diabetes ta casi dobel e porcentahe di e poblacion mundial. Ainda por registra riba

diabetesrunaruba.com y haci bo pago diabierna awo na Botica Eagle y pasa busca bo shirt. Tambe por haci bo pago online of na un di nos Medlab locations y Urgent Care disponibel (check e website pa esaki) pa asina segura bo lugar den e careda.

Forma parti di e evento aki dia 16 di november, 2025 y laga nos tur bin hunto pa un miho estilo di bida!

CROSSWORD
WORD SEARCH PUZZLE

Fruits

Across
3. A big fruit you eat in the summer.
5. What fruit do monkeys like?
6. A red fruit.

Down
1. Purple fruit.
2. A small red fruit.
4. _____ juice.

**Paga bo cuenta
online ta facil**

Sea Abonnement of Aviso
Pago online, facil y lihe

Pa hasi pago online pone nomber y adres na cuenta di banco RBC Sunmax Printing
account # 7700000100152447

EXITOSO POLITIEK CAFÉ ORGANISA PA GABINETE DI ARUBA



Den Haag – Na Paleiskerk na Den Haag a tuma lugar un “Politiek Café” den cuadro di e eleccion pa Tweede Kamer otro siman na Hulanda, organisa pa Gabinete di Minister

Plenipotenciario di Aruba. Un total di cinco partido politico a participa na e evento aki. Ta trata di CDA, GroenLinks/PvdA, D66, VVD y Christen Unie.

Pa CDA a participa Karsten Klein, number 23 riba lista di CDA. GroenLinks/PvdA a keda representa pa Raoul White cu ta number 30 riba lista di su partido. Anouschka Biekman a participa den number di D66 y e ta ocupa number 16 riba lista di D66. E partido VVD tabata presente na e evento den persona di Eric van der Burg, number 5 riba lista di VVD. Por ultimo pa Christen Unie a participa e candidato number 24 riba nan lista cu ta Henco Cecilia.

Despues cu e moderador di e Politiek Café Sidney Kock a yama tur presente bon bini, director di Gabinete di Aruba Joselin Croes LL.M., M.Sc a tene un discurso den cual ela subraya e importancia di votacion como un momento importante den nos democracia. Y cu esaki tambe ta importante pa e Arubianonan bibando, trahando of studiando

na Hulanda. ‘Bo voto ta determina e rumbo pa Hulanda pa e siguiente cuater aña. Esaki ta importante pa tur hende cu ta biba na Hulanda, tambe pa e comunidad Arubiano. Nan tambe tin derecho di voto. Pa e motibo ey Gabinete di Aruba a organisa e Politiek Café aki pa brinda nos hendenan e posibilidad pa bin scucha e partidonan politico y nan plannan pa Hulanda y Reino Hulandes. Mi ta spera cu e anochi aki duna boso mas claridad ariba e puntonan di bista di e partidonan politico y asuntonan cu ta hopi actual,’ tabata palabranan di Joselin Croes cu a caba su discurso cu un apelacion pa tur hende pa bai voto otro siman.

E programa a sigi unda e participantenan por a duna nan punto di bista di nan partido, plannan y solucion riba cuater tema cu tabata vivienda, nivel

di bida (bestaansrecht), migracion di estudio y Relacionnan di Reino. Despues tabata tin oportunidad pa pregunta y hopi persona, entre nan studiantenan Arubiano a haci uso di e oportunidad aki pa lansa nan preguntanan na e politiconan. Gabinete di Aruba por mira atras riba un evento sumamente exitoso. Un grabacion di henter e evento ta bisto riba e pagina di Facebook di Gabinete di Aruba.



Parlamentario Eduard Pieters (PPA):

“NOS MESTER TRATA NOS MAESTRO PENSIONADO CU DIGNIDAD Y IGUALDAD”

Un grupo di maestro pensionado a acerca e fraccion di PPA pa haya oido, ayudo y husticia den un situacion cu nan ta considera inhusto y discriminatorio. Segun nan, e trato desigual cu nan ta ricibi compara cu nan coleganan cu ainda no ta pensionado, ta un falta di respet pa nan dedicacion y servicio di hopi aña den educacion Arubano y cu ainda nan ta trahando, door di scarcedad y necesidad di maestro den enseñansa.

“Nos ta para firme tras di e maestronan. Nan a traha cu amor y entrega pa nos yiunan di tera y e manera cu nan ta trata awe, no ta uno digno di e sacrificio cu

nan a haci,” parlamentario Eduard Pieters a declara. Desigualdad den pago di ATV

E keha principal ta loke ta e pago di 3½ dia di ATV (Arbeids Tijd Verkorting) cu e Gabinete Wever Croes II a kita di e e maestronan pensionado. Segun e grupo aki, e maestronan cu ainda ta den servicio ta sigui haya e pago di ATV, mientras cu nan como pensionado, cu ta trahando awor via un directiva di scol, no ta ricibi esaki.

“No por tin dos midí pa e mesun trabou,” Pieters a splica. “Si e mesun dunador di trabou, cu ta haya subsidio di gobierno, ta bisa cu nan

ta apto y profesional pa traha, anto no tin motibo pa trata nan diferente, simplemente pasobra nan ta pensionado.”

Kico ta e ATV y kico ta den wega

Pieters a recorda cu e dianan di ATV a wordo introduci hopi aña pasa, den un periodo ora cu gobierno no tabata por duna indexering salarial. A cambio e empleadonan publico a ricibi dianan liber compensatorio pa compensa e perdida di poder di compra.

“E ATV tabata crea pa protega e empleado y mantene un cierto balans social. Pues con ta posibel e ora, cu un parti di e sector di educacion ta exclui di e beneficio aki? Ta un falta di equidad cu nos no por sigui permiti pa sosode,” Pieters a bisa. PPA ta exige trato igual pa tur trahador

E fraccion di PPA ta tuma e situacion aki hopi na serio y ta prepara pa haci e preguntanan necesario den na e minister en cuestion, pa asina trece claridad y coreccion den e maneho actual. “Nos Constitucion ta basa riba igualdad,” Pieters a enfatisa. “Esaki kiermen cu ningun ciudadano no por wordo trata diferente si nan ta traha, aporta y cumpli cu e mesun responsabilidad. E maestronan pensionado cu ta traha via un schoolbestuur mester wordo trata cu dignidad y



respet.”

Pieters a agrega cu PPA lo sigui defende nan derecho y no lo permiti pa ningun grupo, cu a dedica su bida na enseñansa, ta ignora. “Nos pueblo ta forma pa e educacion cu e maestronan aki ta y a duna. E ora ta yega na nos como pais, pa mustra gratitud cu accion, no cu palabra. PPA ta compromete pa trek e accion aki recht y pa rectifica e desigualdad aki.”


Un apelacion pa respeto y husticia

Finalmente e fraccion di PPA ta pidi atencion urgente di e ministerio y di e instancianan relevante pa mira e casonan individual y restaura e pago di ATV pa tur maestro pensionado, cu ta traha activamente. “Esaki no ta djis un cuestion di pago, ta un cuestion di respet,” Pieters a conclui. “Cada maestro cu ta sigui traha despues di pension, merece un trato husto, pasobra nan ta sigui contribui na futuro di Aruba.”



Compartiendo conocimiento den cuadro di “Strategic Partnerships”

Daniel Tecklenborg di CEDE Aruba ta comparti su experiencia



Dia lun a anochi a tuma luga e ultimo tayer di “Capacity Building Fase 02” unda cu despues di 5 topico sumamente interesante y di balor agrega, e

federacionnan miembro tin e informacion basico necesario pa por prepara e tarea di e curso aki, un plan strategico.

Den cuadro di prepara esaki, Daniel Tecklenborg

di CEDE Aruba a duna un les di “Strategic Partnerships”, cu sigur ta un parti esensial pa cualkier organisacion.

Den e entrevista aki, Daniel ta splica mas di tayer. #TEAMARU

AFGESTUDEERD AAN DE UNIVERSITEIT VAN ARUBA, EBONNYE L. RODRIGUEZ.

ORANJESTAD - Op dinsdag, 21 oktober, 2025, verdedigde Ebonnye L. Rodriguez haar Masterscriptie aan de Faculteit der Rechtsgeleerdheid bij de Universiteit van Aruba met als onderwerp:

“Artikel 12A van het Statuut voor het Koninkrijk der Nederlanden. Een lex imperfecta met rechtsstatelijke gevolgen.”

De examencommissie bestond uit de leden: mw. mr. Brechtje Huiskes

mw. mr. Hannah Meijer vertegenwoordigd door mr. dr. Benedicta Deogratias dhr. mr. Juan E. Thijsen

De Universiteit van Aruba feliciteert Ebonnye Rodriguez van harte met het behaalde resultaat.



ESNAN CU A DIVORCIA Y TA BIBANDO CU OTRO PERSONA DEN ADULTERIO Y NAN TA KERE CU NAN TA SALBA

Bo no sa, cu unabes cu bo ta casa pa Dios den e Sacramento di Matrimonio, bo ta keda casa pa Dios te na morto y Dios no ta reconoce divorcio. Awor, si bo ta un hende divorcia y bo ta biba cu otro, anto ta con bo por yama bo companjante bo esposo of bo senjora maske cu boso ta casa pa raad? Bo no tabata sa cu bo ta bibando den e pika condenabel di adulterio? Bo sa cu e pika di adulterio ta condenabel pa Dios y na tur esnan cu a muri den nan pikanan di adulterio, nan lo no drenta den e Reino di Dios y nan destino lo ta den fierno of den purgatorio. Bo mester compronde cu e di 6 Mandamento di Dios Tata ta bisa bon cla: "Lo bo no comete e pika di adulterio." Lesa den Bijbel Mateo 5: 32, na unda Senyor Hesus ta adverti bon cla: "Ami ta bisa boso: Ken cu divorcia di su senjora, si no ta pa motibo di infidelidad, e ta pone su senjora comete adulterio. Es cu casa cu e senjora divorcia, e tambe ta comete adulterio." Akinan nos por compronde bon, si un homber divorcia di su senjora, anto e ta provoca cu e senjora ta bay busca un otro persona pa biba cun'e den e pika di adulterio. Akinan e homber cu a divorcia di su senjora, ta keda responsabel di su senjora cu el a divorcia. Y tambe e homber ta keda responsabel di su senjora cu ta bay perdi den e pika di adulterio. Na e dia di huicio dilanti di e tribunal di Dios Tata, e homber y e muher tin di duna cuenta di nan actonan di divorcio y di adulterio.

Les den Bijbel Marko 10: 6-9 : "Na principio di creacion, Dios a traha homber y muher, p'esey e homber lo laga su tata y su mama pa e uni cu su



muher y nan dos lo bira un solo curpa. Di manera cu nan no ta dos mas, sino un solo curpa. Pues loke cu Dios a uni, no ta permiti pa hende separa." Esaki ta e Sacramento di Matrimonio di Dios den Misa, na unda cu Dios ta uni e pareha den un solo curpa, pa medio di un sacerdote y cu dos testigo. Tambe bo por compronde, cu Dios no ta reconoce divorcio y e pareha mester keda uni te na morto, maske cu nan a divorcia pa raad. Dia cu bo a casa den e Sacramento di Matrimonio den Misa pa Dios, bo no a huramenta pa Dios dilanti di altar, cu bo lo keda fiel den bon tempo y den tempo di abundancia y den tempo di pobreza, den tempo di salud y den tempo di enfermedad, den tempo di pas y den tempo di pleito y di stima otro manera bo mes y di keda fiel te na morto?

Awor mi ta puntra bo, ta na unda bo huramentonan a keda dilanti Dios? Laga nos lesa den Bijbel Mateo

5: 33, na unda cu Senyor Hesus ta bisa tocante huramento : "Tambe boso a tende loke a ser bisa na boso antepasadonan: Lo bo no kibra huramento y lo bo cumpli loke cu bo a huramenta na Senyor." Akinan, bo no a huramenta dilanti di Dios den Misa, di keda hunto y fiel cu bo pareha te na morto? Den Bijbel Huan 4: 5-42, akinan nos por lesa, ora cu e muher Samaritana a pidi Hesus p'e haya e awa di bida eterna, p'e no haya sed di awa nunca mas, anto Hesus a bise, bay busca bo esposo y bin cun'e cerca Mi. E muher Samaritana a bisa Hesus, mi no tin esposo, anto Hesus a bise'le, bo tabata tin 5 homber y e homber cu bo ta bibando cun'e awor, no ta bo esposo. Akinan nos por compronde cu e muher Samaritana ta bibando den e pika grandi di adulterio, pasobra ela divorcia di su prome casa, pa despues ela bay biba cu diferente homber den e pika di adulterio. Akinan tambe, Senyor Hesus

ta bisa na tur esnan cu a divorcia y ta bibando den e pika di adulterio, pa nan bay busca nan senjora of nan esposo cu Dios a uni nan den e Sacramento di Matrimonio, pa e pareha cu a divorcia por ta salba

di e condenacion den fierno. Bo no tabata sa, si bo muri den bo pika di adulterio, bo no por drenta den e Reino di Dios. Lesa den Bijbel 1 Corinthionan 6: 9 y 10: "Boso no sabi, cu e inhustonan lo no drenta den e Reino di Dios? No ganja boso mes, pasobra ni e fornicadornan, ni e adoradornan di diosnan falso, ni esnan den adulterio, ni e homosexualnan, ni e ladronnan, ni e burachenan, ni e blasfemadornan, ni esnan golos pa plaka, ni e abusadornan, nan tur lo no drenta den e Reino di Dios."

Tambe den Bijbel Testament Bieuw Levitico 20: 10, na unda cu Dios Tata ta bisa: "Si un homber ta comete adulterio cu un muher casa di su prohimo, nan dos lo muri, e adultero y e muher adultera." P'esey cambia boso bida prome cu ta laat, pa boso no ser condena den e candela di fierno despues di morto.

Un mensahero di Dios.

Paga bo cuenta online ta facil

Sea
Abonnement
of Aviso



Pa hasi pago online pone number y adres na
cuenta di banco RBC Sunmax Printing
account # 7700000100152447

SOPI DI LETRANAN

Familia

D	H	E	R	M	A	N	A	D	X	N	Z	W	R	K
B	J	R	O	H	Y	O	O	P	M	M	C	M	L	C
D	N	S	A	M	A	Z	N	W	D	K	O	Z	Z	B
F	O	L	Q	A	P	U	A	Q	Z	F	Q	S	Q	N
R	A	P	V	M	J	D	M	U	J	W	O	M	W	E
G	A	M	C	A	G	A	R	X	R	M	Z	E	P	M
P	L	U	I	M	O	T	E	I	I	U	P	B	V	X
C	E	I	A	L	V	K	H	R	I	K	X	A	S	K
Z	U	L	T	A	I	J	P	N	P	Q	A	P	P	D
I	B	H	I	O	P	A	F	L	K	O	J	E	O	A
F	A	M	A	N	F	E	A	Z	V	I	W	Z	N	T
Q	L	S	W	W	S	R	I	R	Q	K	O	J	R	I
A	E	X	M	R	J	R	T	O	S	C	I	I	I	H
H	H	Z	A	G	T	T	D	L	W	P	V	A	T	V
D	K	Y	W	H	G	A	B	U	E	L	O	Z	N	Q

ABUELA
ABUELO
FAMILIA
HERMANA
HERMANO
MAMA
PAPA
PRIMOS
TIA
TIO

SUDOKU

5		9				4		
7		8	3		4	9		
6		1				7	3	
4	6	2	5					
3	8	5	7	2	1	6	4	9
1	9	7	4		8	2		
2			1					4
		3		4			8	7
	7			5	3			6

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

	8							
				2	1	8	7	
2			3				5	9
		4			9		2	
	7		2	1	8	4		6
9					3	7		
6	9		4					
	4	8	1		7			



Oracion di dia

Un dia fructifero y cu e luz di Cristo por briya den cada un di nos

" ... Pasobra tur hende cu halsa nan mes, lo keda humilia, ma esun cu humilia su mes, lo keda halsa". Lucas 18,14

Awe nos ta lesa e importancia di humildad y reconoce nos faltanan. Nos por ta manera e fariseo husgando otro y halsando su mes of manera e cobrado di belasting ta reconoce su falta y su necesidad di compasion. Cu humildad nos ta sirbi otro sin busca recompensa; scucha mas y papia menos, na balora e otronan pa loke nan ta y no pa loke nan tin of ta aparenta di ta. Reflexionando continuamente ta yuda evita na cay den orguyo y na mantene nos mirada fiho den e mision cu Señor a confia nos. Biba cu berdadero humildad ta nifica rechasa e mascaradanan cu hopi biaha nos ta pone pa impresiona of pa competi cu otro. No biba un bida superficial of di falsedad, sea un luz pa mundo unda e luz di Cristo ta briya den bo. Loke ta importa no ta con otronan ta mira nos, sino con Dios ta mira nos. Ser bo mes y cu humildad ta acerca nos na e berdadero esencia di nos fe y esey ta haci nos un instrumento den e man di Dios.

Oracion : Señor Hesus, haci mi curason pareu na bo curason. Manso y humilde y obedecido na bo Santa boluntad.

Amen.

FORTALEZA PA FAMIA

Scirbi pa Pastor Marcel Balootje.

SALBACION TA UN REGALO DI DIOS Y UN NECESIDAD PA TUR SER HUMANO

Si no tabata asina, Dios lo no a manda Su yiu unigenito pa ken cu kere den dj'E no bay bay perdi ma tin bida eterno.

Efesianan 2:8-9 ta para scirbi: Pasobra pa medio di gracia boso ta salba door di Fe, y esey no di boso mes, e ta don di Dios, no como resultado di obranan, pa ni un hende no por gaba.

Salbacion ta un regalo di Dios, y nos tur tin cu comprende cu un regalo ta gratis, bo no a traha pe, pasobra e preis di salvacion ta Cristo Hesus a paga pe na crus, ningun hende no por gana salvacion ni traha pa salvacion.

Pero e ta un necesidad pa tur hende, pasobra e palabra di Dios ta bisa, esun cu kere lo salba, ma esun cu no kere lo ta condena, pasobra e no a kere den e Yiu unigenito di Dios.

Hesus a splica Nicodemo bon cla cu esun cu no nace di nobo e no por mira e reino di Dios. (Juan 3:3).

Den Juan 3:5 Hesus ta bolbe contesta y bisa, di berdad, di berdad mi ta bisa bo, si un hende no nace di awa y di e spirito, e no por drenta e reino di Dios.

Den e bida aki nos tur mester acepta Cristo Hesus como nos Senyor y Salvador, pasobra Cristo Hesus ta e caminda, e berdad y e bida, ni un hende por yega serca e Tata sino ta pa medio di dj'E.

Henter famia mester entrega nan bida na Cristo, pasobra ta para scirbi cu tur rudia lo dobla, y tur lenga mester confesa cu Cristo ta Senyor pa gloria di Dios Tata.

Esaki no ta asunto di religion, pasobra salvacion ta personal pa cada un di nos, pasobra e palabra di

Dios ta bisa den Romanonan 10:9, cu si bo confesa cu bo boca Hesus como Senyor y kere den bo curason cu Dios a lant'E for di mortonan lo bo ta salba, pasobra cu curason hende ta kere pa hanja husticia, y cu boca e ta confesa pa hanja pa hanja salvacion.

Si bo tin un amigo cu no ta hanja cu salvacion ta necesario, haci hopi oracion pe asina e entrega su bida na Cristo Hesus, pasobra no tin speranza pa esnan cu no ta reconoce Cristo Hesus como Senyor y Salvador.

Dios mes a bisa den su palabra cu esun cu no a kere su Yiu unigenito cual ta Cristo Hesus, lo bay perdi, pasobra nan no a kere den Su Yiu, y nan lo cay bao di condenacion, pasobra Dios a stima mundo y a manda Su unico Yiu y nan a prefera di stima scuridat, y no E lus.

Cristo Hesus no a bini pa condena e mundo pero pa e mundu wordo salba door di dj'E.

Awor mas cu nunca nos ta mira e necesidad di salvacion den henter e mundo, tur e senjlanan ta muestra den direccion den e binida di Cristo Hesus pa busca tur esnan cu a kere den dje y a perservera wardadando su binida. (Mateo 24:13).

No lubida locual ta para scirbi den Juan 3:36 : Esun cu kere den e Yiu tin bida eterno, ma esun cu no obedece e Yiu lo no mira bida, ma e furia di Dios lo keda riba dje.


Si awe bo lesa of scucha e palabra di Dios, no haci bo curason duro, no rechasa bo salvacion, pasobra no tin otro Salvador cu no ta nos Senyor Cristo Hesus.

Entrega bo bida awe.

"Dios ta amor y esun cu ta biba cu amor ta keda den Dios y Dios ta keda den dj'E."

1 Huan 4:16

Cu hopi tristesa pero conforme cu boluntad di Dios nos ta anuncia fayecimento di nos ser stima:



Juan A.C. Croes

Mihor conoci como: "Ety".

*28 Augustus 1950 †17 October 2025

Na nomber di su:

Mayornan: +Anselmo & +Maria Francisca Croes-Everon

Yiunan: Noraida & Juni Carolina-Croes
Vanessa Croes

Yiunan di criansa: Francis y Miriam Albertus-Patiño
Elvis Albertus & Daisy Rojas

Nieto(a)nan : Roxanne Carolina & Bryan Kock
Dion Carolina

Bisanieta stima: Jennevéve Carolina

Mascota di cas: Nala Carolina

Rumannan: Miano & Yolanda Croes-Rafini y famia
Lucio & Marina Croes-Schutte y famia (na Hulanda)
Miriam Croes & Jan Meijndert y famia
Cornelia Biesum y famia
+ Hendrik & Maca Croes-Everon y famia
+Mario Croes y famia
+Bibiano Croes y famia
+Valerio Hernandis
+Mito Hernandis y famia

Mama di su yiunan: Carmen Lampe

Tanta y Omonan, Subrino y subrinanan, primo y primanan, ihanan, amigonan y conocirnan.

Famia di Scol Amplio Nos Cosecha
Ex coleganan di: Antonio's, Inmigracion & SVB.

Demas famia: Croes, Everon, Carolina, Albertus, Rafini, Schutte, Meijndert, Biesum, Hernandis, Lampe, Mathilda, Kelly, Arends, Henriques, Kock, Patiño, Rojas, Ridderstap,

Ta invita pa acto di entierro cu lo tuma lugar Diasabra, 25 di October 2025 na Misa Inmaculada Concepcion di 1:30pm pa 3:30pm, despues lo sali pa santana Catolico na Sta Cruz.

Condolencia lo tuma lugar Diabierna, 24 di October 2025 na Aurora Funeral Home di 7:00pm pa 9:00pm.

Un danki special na e departamento di Oncologia.

Nos disculpa si den nos tristesa nos por a lubida cualkier persona.

Nos disculpa si den nos tristesa nos por a lubida cualkier persona.